

## **Canadian Bullrider Finals**

**19.11**

PBR heisst Professional Bull Riders. Ja mir sind nöd gad d Profis, aber mir wüsstet um was das es goht. A dem Samstag sind mir uf Saskatoon gfare um d Canadian Bullrider Finals go luege. Ja genau z luege hets ganz viel z geh, wenn mer di folgende Bilder beachtet... ☺ Aber au s Bull riit isch sehr intressant gsi. Wie immer het de beschti gwunne. Au d Unterhaltig vo dene Glöön (wod Bullä verschüched) isch lustig gsi. Und nach dere ganze Show isch denn au na e Countryparty gsi. Super Musig, guets Feschkli.



## **Goodbye Legacy Agro**

**21.11 - 25.11**

De Mäntig het scho sehr spannend aagfange. Mir sind uf di nüni go schaffe gange. De Grund für das ganze isch gsi, dass mir de Abschlusskaffee mitenand gha hend. Ebefalls hets Chuechä und anderi Sache geh, wie es Sprayermodell (Modell ersichtlich auf dem Bild rechts) und de Jahresbonus. Bi fröhlichem beisammen sein isch die cheibe Ziit fascht devo gsprungä. Mir hend amol erscht am 11.30 Uhr agfange schaffe... ☺



# Newsletter Canada

---

Ebefalls sind mir die Wuche au uf Goodbyetour xsi. Uf Bsuech bi eusem Düngerlieferant, hämer sin neue Jacuzzi chöne teschte. Wassetemp. 40°C, Aussentemp. -20°C



Au di letschte Altlaschte vo dem Jahr hend mir na besiitiget... Ich hoffe ihr kennet alli üsere Dirty-Car na. Mir hend en s letschte mal abgeschleppt und uf emene Steihuufe parkiert. Mir lönd üs ja nöd eifach lumpe, mir hend das Auto denks zoberscht ufe gstellt und azündet. D Föteli sind leider nunig überarbeitet, darum wird's au kei Föteli geh...

## *Uf Widerluege Canada...*

Jetzt isch es so wiit... Mir sind bi eusem letschte Newsletter aglangt.

Am Afang hämer dänkt die acht Mönät werdet cheibe lang, doch die zweit Hälfti vo eusem Ufenthalt isch nur so a eus verbi gfloge. Mir händ viel neu Sache gseh und erläbt. Mir sind uf e grosszügigi Familie troffe, wo eus viel ermöglicht hät wo nöd selbschtverständlich isch. Da mer eus scho chli als Teil vo däre Familie gsend, verlömer Canada mit emene brüelende und emene lachende Auge. D Freud isch jetzt aber riesig d Familie, d Fründine, d Kollege und natürlich die eng Schwiiz neu z erläbe.

Momentan gnüssed mer eusi letschte zwei Wuche Amerika. Mir sind mit em Auto unterwägs richtig Weschküschte vo dä USA. Am 14. Dez. sitzemer dän in Flüger z Regina und werdet am 15. Dez 10.45 wider Schwiizerbode under dä Füess ha.:-)

Grüessli und bis glliii i de Heimat...

Ueli und Dani